



Ovaj projekat finansira Evropska unija



LOKALNA PARTNERSTVA
ZA ZAPOŠLJAVANJE
U BOSNI I HERCEGOVINI



International Labour Organization

LOKALNO PARTNERSTVO ZA ZAPOŠLJAVANJE – ORAŠJE

Osnovne informacije

Aktivnost: Prerada mesa i obrada drveta i metala

Lokacija: Općina Orašje

Članovi partnerstva:

- Udruženje za razvoj NERDA (NERDA) – vodeći aplikant/vođa aktivnosti
- Općina Orašje (OO)
- Služba za upošljavanje Posavskog kantona (SUPK)
- Srednja strukovna škola Orašje (SSŠ)
- Nexus BH d.o.o. (NB)
- Skele Comerc d.o.o. (SC)
- Prima Vip d.o.o.(PV)

Vrijednost aktivnosti: 171.120,82 EUR (sredstva EU: 153.909,82 EUR)

Vrijeme provođenja aktivnosti: juni 2017. – avgust 2018.

Cilj: Stručno osposobljavanje najmanje 40 neuposlenih uključujući mlade, žene, dugoročno nezaposlene, osobe sa invaliditetom, osobe starije dobi i korisnike socijalne skrbi za poslove mesara, stolara i CNC operatera, te zapošljavanje njih 30 u partnerskim preduzećima Prima Vip d.o.o., Skele Comerc d.o.o. i Nexus BH d.o.o..

LOKALNA PARTNERSTVA ZA ZAPOŠLJAVANJE
U BOSNI I HERCEGOVINI

Projekat „Podrška lokalnim partnerstvima za zapošljavanje u Bosni i Hercegovini” je dio EU Programa za lokalni razvoj i zapošljavanje kojeg Evropska unija finansira sa 19 miliona eura. Tri projekta koja djeluju u okviru ovog Programa će do januara 2019. godine provoditi UNDP, GIZ i ILO kao bi podržali ekonomski oporavak područja pogođenih poplavama, lokalni ekonomski razvoj i aktivnosti lokalnih nevladinih organizacija usmjerenih ka društvenom razvoju i oporavku, te kako bi razvili strukturalne mjera za povećanje zapošljavanja putem lokalnog integrisanog razvoja.

Fra Anđela Zvizdovića 1, B/XII,
71000 Sarajevo, Bosna i Hercegovina
tel: + 387 33 29 57 36
fax: + 387 33 29 57 41
e-mail: lep@ilo.org
facebook.com/LEPSupport/
twitter.com/LEPSupport
www.partnerstvo.ba



OPIS

Potencijal za zapošljavanje u oblasti prerade mesa i obrade drveta i metala

Lokalno partnerstvo za zapošljavanje Orašje (Partnerstvo) je u pripremi svojih aktivnosti provelo istraživanje sa poslodavcima kroz koje je kao najveća prepreka zapošljavanju identifikovan nedostatak kvalifikovane radne snage, tj. neusklađenost obrazovnih programa u srednjim školama sa potrebama tržišta rada i inovacijama u procesu proizvodnje. Isto istraživanje ukazalo je na to da su stolar, mesar i CNC¹ operater deficitarna zanimanja u Orašju.

Prevazilaženje prepreka zapošljavanju

Aktivnosti Partnerstva će se stoga fokusirati na razvijanje kapaciteta Srednje strukovne škole u Orašju, tj. nabavku potrebne opreme za provođenje savremenih programa obuke i dodatni razvoj programa stručnog osposobljavanja za zanimanja mesar, stolar i CNC opearter u saradnji sa partnerskim preduzećima Prima Vip d.o.o. (prerada mesa), Skela Commerce d.o.o. (proizvodnja drvne stolarije) i Nexus BH d.o.o. (izrada alata i naprava za proizvodnju automobila), kao bi programi odgovarali potrebama poslodavaca.

Pored ovoga Partnerstvo će izraditi analizu potreba tržišta rada za naredne tri godine kao i analizu kvalifikacija nezaposlenih te će u skladu sa tim predložiti razvoj novih obrazovnih programa za srednje škole i promjene u upisnoj politici srednjih škola kao i razvoj novih programa za prekvalifikaciju, dokvalifikaciju i stručno osposobljavanja odraslih a sve u svrhu smanjenja nezaposlenosti tj. stvaranje kadra potrebnog za rad u izvozno orjentisanim preduzećima na području Posavskog kantona.

Kako će se aktivnosti provoditi

- Javni poziv i odabir korisnika

Partnerstvo će u skladu sa potrebama poslodavaca (NB, PV i SC) razviti i objaviti javni poziv za 40 nezaposlenih na web stranicama partnera te putem medija. Partnerstvo će nadalje oformiti komisiju za odabir polaznika stručnog osposobljavanja. Kriteriji za odabir korisnika aktivnosti Partnerstva tj. polaznika obuke će između ostaloga uključivati završenu srednju školu, te da su nezaposlene osobe mladi, žene, dugoročno nezaposleni (duže od 12 mjeseci), osobe sa invaliditetom, osobe starije dobi ili korisnici socijalne skrbi. Odabir polaznika će biti transparentan i rezultati odabira će biti objavljeni na oglasnim pločama SUPK i SSŽ, te na web stanicama OO i NERDA-e.

¹Computer Numerical Control (CNC) mašina je mašina na kojoj se umjesto ručnih kontrola alata i glodalica koriste kompjuterske kontrole koje se također mogu programirati. CNC mašine su sada sve više u upotrebi za obradu drveta i metala.



- Nabavka opreme

Nastavna oprema koju posjeduje SSŠ je zastarjela i dotrajala. Partnerstvo će za potrebe unapređenja tehničkih kapaciteta i procesa obuke za CNC operatera u SSŠ nabaviti školsku CNC mašinu (Concept Mill) sa pratećim alatima, 4 desktop računara, 1 laptop, 2 interaktivna projektora, 5 licenci za Catia V5 software, kao i materijale za potrebe obuke za zanimanja stolar i mesar.

- Provođenje programa obuke

Programi stručnog osposobljavanja će se provoditi u dva dijela. Teoretski dio će se obavljati u SSŠ dok će praktična nastava biti organizovana u partnerskim preduzećima SC, NB i PV gdje će obuku vršiti inženjeri i osoblje partnerskih preduzeća uz mentorstvo profesora SSŠ-a. Obuka za zanimanja mesar (30 polaznika) i stolar (pet polaznika) će trajati tri mjeseca sa 40 sati teoretske nastave i 80 sati praktične nastave dok će obuka za zanimanje CNC operater (pet polaznika) trajati četiri mjeseca sa 30 sati teoretske/praktične obuke (rad u učionicama) o crtanju pomoću računara (Auto CAD software), 30 sati teoretske/praktične obuke o tehnološkim postupcima (rad u učionicama) i 60 sati praktične obuke za programiranje i rad na CNC mašinama (u SSŠ i NB).

Korisnici aktivnosti će potpisati tripartitni ugovor (polaznik, NERDA i partnerska preduzeća zavisno od tipa obuke) kojim će se definisati obaveze polaznika i Partnerstva i kroz koji će polaznici ostvariti pravo na nadoknadu za topli obrok i troškove transporta tokom trajanja obuke.

Po završetku obuke polaznici će morati polagati završni teoretski i praktični ispit nakon čega će dobiti potvrdu o stručnoj osposobljenosti.

- Zapošljavanje

Po završetku provođenja programa obuke tj. stručnog osposobljavanja tri partnerske tvrtke će od 40 polaznika odabrati najboljih 30 i sa njima potpisati ugovore o stalnom radnom odnosu: 20 za zanimanje mesar u preduzeću Prima Vip d.o.o.; pet za zanimanje stolar u preduzeću Skele Comerc d.o.o.; i pet za zanimanje CNC operater u preduzeću Nexus BH d.o.o.

- Održivost aktivnosti i zaposlenja

Istkustvo zemalja EU ukazuje na to da 60 od sto mladih koji prođu programe stručnog osposobljavanja u roku od godinu dana dobiju posao. S ovim na umu moguće je očekivati da i 10 korisnika aktivnosti koji ne budu odmah dobili stalna radna mjesta zasnuju radne odnose u narednom periodu i njihova je obaveza u skladu sa ugovorima o obuci da o tome obavijeste Partnerstvo. Nadalje partnerska preduzeća namjeravaju dalje proširiti njihovo poslovanje i upošljavati dodatne nove radnike.

Istraživanje o potrebama tržišta rada koje će provesti Partnerstvo i preporuke koje će proizaći iz istraživanja bi trebale uticati na vrstu programa obuke u srednjim školama kao i na njihovu upisnu politiku što bi u budućnosti trebalo rezultirati većim stepenom zapošljavanja.



Ovaj projekat finansira Evropska unija



LOKALNA PARTNERSTVA
ZA ZAPOŠLJAVANJE
U BOSNI I HERCEGOVINI



International Labour Organization

U cilju promocije Posavine kao pogodne lokacije za investicije i otvaranje novih preduzeća kroz primjenu lokalnog partnerstva za zapošljavanje kao modela za razvoj, članovi Partnerstva praćeni predstavnicima općina Odžak i Domaljevac-Šamac će posjetiti Međunarodni sajam tehnike i tehničkih dostignuća u Beogradu (Srbija), gdje će razviti direktne kontakte sa investitorima, predstaviti njihove poslovne aktivnosti i prezentirati potencijale za investicije te se može očekivati da će primjena pozitivnih iskustava Lokalnog partnerstva za zapošljavanje Orašje nastavi primjenjivati i u budućnosti.

LOKALNA PARTNERSTVA ZA ZAPOŠLJAVANJE
U BOSNI I HERCEGOVINI

Projekat „Podrška lokalnim partnerstvima za zapošljavanje u Bosni i Hercegovini” je dio EU Programa za lokalni razvoj i zapošljavanje kojeg Evropska unija finansira sa 19 miliona eura. Tri projekta koja djeluju u okviru ovog Programa će do januara 2019. godine provoditi UNDP, GIZ i ILO kao bi podržali ekonomski oporavak područja pogođenih poplavama, lokalni ekonomski razvoj i aktivnosti lokalnih nevladinih organizacija usmjerenih ka društvenom razvoju i oporavku, te kako bi razvili strukturalne mjera za povećanje zapošljavanja putem lokalnog integrisanog razvoja.

☎ Fra Anđela Zvizdovića 1, B/XII,
71000 Sarajevo, Bosna i Hercegovina
☎ tel: + 387 33 29 57 36
☎ fax: + 387 33 29 57 41
✉ e-mail: lep@ilo.org
📘 facebook.com/LEPSupport/
🐦 twitter.com/LEPSupport
🌐 www.partnerstvo.ba